

叙

清鼎既革民國肇建于今九年兵亂  
未息吾北門祠族衆余子姓之繁育  
感時局之側擾乃亟謀續脩譜牒蓋  
距前清甲午歲所脩已二十有六年  
矣此數十餘年間世界大通羣衆

四五十年所未見不獨政體改革變  
君主為民主即中國宗族之制情誼  
相與傳為美談外國人每羨而慕之  
而今之策時事者不揣其本棄己盲  
從亟欲取而推顛其當合中國四萬  
萬人為同胞如斷斷於一家一族猶

初民部落之習見信斯說也則脩禱  
始為多事矣然竊思中國縣稱四萬  
萬人政府缺乏統計每苦不能得其  
確數然或謂若彙聚各姓族譜詳為  
稽核則數可立覩矣且又聞外國云  
務于統計者往往以各族姓以名籍

其中或壽或夭或繁殖或凋零比較  
考證因以推求其配偶之良否衡攝  
之完缺教育之隆替一一改良用能  
日進不已則族譜之關係顧不重且  
大哉吾族自唐末吳禕公禕瑞籍隸  
江州官鎮潭州遂家長沙歷宋而元

而明而清中更五朝年逾子歲子孫  
蕃衍世處祖鄉兵燹迭經依然生聚  
仰承先澤代有聞人譜冊昭垂斑斑  
可考夫一族之盛衰視乎人才之  
優劣茲幸逢民國厲行強迫教育必  
使人人能讀書識字故昔之脩譜也

不過曰敬宗收族而已今之備譜也  
且將追先人之世德爭後嗣之生存  
皆由譜之紀載詳明共相考究於以  
培植人才振興文化贊助世界胥于  
譜焉基之孟子曰也養不中才也  
養不才吾族中之子若孫果能人人

識字而讀書明理也乎若猶未也是  
則存乎為人父兄者

時

中華民國九年庚申歲孟秋月穀旦

闔族嗣孫公揆